

皇清文穎續編

皇清文頴續編卷五

說

五經說

謹序

茹 棻

臣 蔡拜手稽首言

臣

少處草野從父師受經本

文輒由義釋仰窺古帝王志事遭遇

昌辰旣通籍親覩

兩朝聖人經綸天下之大經與少所記誦脗合無間

入直史館敬誦

五朝實錄豁然知

家法相承穀貽燕翼於萬葉者皆衷於經每逢

大慶典本其所受於父師者以揚挖

功德因念漢儒傳經家有其學而司馬相如揚雄班

固之徒皆通古訓其述本朝懿鑠乃多浮艷恢

詭毋亦其時創制承述不如古經所云遂不克

援經以證之歟

臣

嘗服唐柳宗元之言云不知

聖人立極之本顯至德揚大功甚失厥趣夫聖

人立極之本常道而巳經常道也措於事爲道
書之冊爲經今年恭逢

聖駕初次謁

陵禮成

臣

竊觀自甲子秋八月所降

諭旨迄今年

行在恩諭循舊章廣聖孝有典有則爲民生福
臣謹上溯
列聖佑啟之遠

高宗純皇帝寄託之重

皇上承裕之敬且勤丙辰改元以來十年之經緯文
武莫不本於至誠大孝以承

天

祖之眷以稟

考訓而皆與經文義合本末宏濶惟本諸經用以彙聞

志事臣謹撰五經說各一篇敬述謁

陵典禮不暇備陳

盛德大業稱臣一隅之見臣謹再拜以獻

易帝出乎震說

臣
考古帝王肇造區夏權輿眷顧方其感生之始作
屏啟辟之年已受天胙符珍圖文萌芽億齡之慶靈
貺既甄偉業遂播震動一時丕丕基始此矣易曰帝
出乎震王弼解益之六二云帝者生物之主興益之
宗出震而齊巽者也弼之意以帝爲天帝也然生物
之帝與持世之帝相待爲功者也善乎子夏易傳說
是經曰帝者造物之主天帝之宗無象之象也不可

以形智索然則體天而立極者惟持世之聖人是賴
矣易又繼之曰萬物出乎震明帝之所臨萬物因之
矣震之彖曰出可以守宗廟社稷以爲祭主明應天
出治之帝爲天所饗有以立萬物之命矣文子曰積
道德者天與之地助之考古帝王感生之祥大電繞
斗樞孕黃帝瑤光貫月生顓頊天兆之也軒轅高陽
高辛皆以其所興之地爲號景柏丸丸保寧商邑周
原膺膺崛起姬宗明乎地靈之益非淺鮮也應世而

出爲天地所助君象也易曰乾以君之而震爲長子
主器者也震於方位爲東日升之所於時爲春物萌
之始易曰動萬物者莫疾乎雷聖人作而萬物覩不
階尺土啟億齡之業其震動一世而大勲立就者天
地告之矣恭讀

純皇帝御製詩曰羲經已兆帝出震本經心以著鴻
業之綿也我
大清之興也

天女吞朱果育

聖子實誕於長白山之東三姓曰此天生聖人也

天固授以震之方矣且震者娠也詩民之初生曰載
震載夙感生之詳與后稷同遂定河步之亂易於反
掌其鼓物之疾又以震之用應

天矣厥後

太祖以十三甲基鴻業

太宗以猛士廿四人摧堅城震震業業如雷如霆全

乎震之威矣遼陽瀋陽次第建都輿宅上腴地不愛
寶

世祖定鼎燕京以奉天府爲

陪京示不忘

帝業所從出也高山

天作長發其祥

三陵相望佳氣萬年

聖祖三謁

高宗四覲我

皇上諏吉申馨

顯

承一德故能出而守宗廟社稷爲祭主也因

祖以格於

天

壇

廟

堂子並祀益之六二爲震所居享于帝吉此之謂也
抑臣有進焉

太祖以天命十年建

盛京歲在乙丑今

上復以乙丑展敬大東乙應東方丑者紐芽也春氣
之蒙也辨方調元宜乎禮成而恩沛也出震之符先
後揆一卽支幹可徵矣

書東巡守說

臣考正史黃帝合符釜山爲天子巡守之始而經所載莫先於虞書虞書四巡首莅東方蓋以岱宗者處東北居寅丑之間萬物始發之地陰陽交泰之所故首祀之顧重華生於蒲坂不聞時巡所至展禮丹陵歸則用特於堯之祖廟而已禹奠九州塗山玉帛僅著南巡周王會之盛在東都非省邦之事宋馬端臨五禮考周亦以二月東巡守尚書大傳載武王上祭於畢馬融曰畢文王墓名也此天子祭墓之始然山

海經大荒經曰黑水青水之間有廣都之野后稷塋焉終周之世升馨缺如豈篤於從親而緩於追遠歟兩漢之世東巡著於文可考者六明帝章帝因西巡有事於陵范史載西都上陵儀太常樂奏食舉而樂府上陵篇侈言露降銅池以爲格祖之應陳祥瑞而已是固我

皇上明詔之所禁言也魏明帝三東巡原廟衣冠未之瞻禮宋元嘉中再因適諸侯便道告觀園寢偏安

之業固不足道後魏東巡遙祀醫巫閭山畧之不廣
病其僻遠唐代上陵僅及禰廟於初祖無聞焉開元
巡狩儀首詳覲東后之禮其儀文煥然可觀再傳而
巡幸或出於不得已不足臚矣宋初以師行巡幸之
儀未備景德中東封乃爲天書行不經爲史譏雖當
時並舉朝陵禮真意未闡南渡一隅更無稽焉明
旣北遷南京置官甚備第倭昇平職事多竄車駕
不復一巡留都孝陵在應天命官謹園寢代祀而

已我

大清受

景命衍貞符

世祖定鼎燕京首一區夏

聖祖北巡南狩濯靈八紘六十一年三用享於

山陵稅駕大東爰閭奔走東諸侯在位莫敢不恭

世宗由藩邸恭代陟薦旣登大寶值西鄙有事不遑

輯瑞震方

高宗備十功膺四得御極六十年巡冀堯豫青揚徐
者數焉民不知役蠅蝓蠖濩之上篤念白山爲屏渾
河環帶

天與金城我

列聖櫛風沐雨之所根本在焉或其民易舊俗卽奢
肯儉其官司悅土沃而繇職守則堂構之不承何以
慰

陟庭威靈哉駕言徂東凡四覲

神皋盼蠻貊假因以禮成

升殿發政察吏蒙古汗王行備宿衛居晉共球讌賞
旣行宇宙大和會焉我

皇上仔寄託之重法

考念

祖將以癸亥東省以三省軍書方資

廟算恐道遠致稽指授而止川楚旣平秋露繁心指
王迹桓撥之地景

戎衣創造之艱紹

舜慕而踐

虞巡班朝行慶如

先朝故事懷念

羹牆繕修

丹雘謹權量飭銓敘以暨速郵設枹諸大政靡不周

諏盡善昔

先帝於癸卯東狩曾以

御名禱於

珠邱

列聖俞之至是

神孫莅止不徒

山陵展謁之恭惟舉典勗勤足以光於

前謨至於萬年拒讐言而無廢秋獮之禮蓋省方講武

家法在是矣夫古者巡狩與上陵多偏舉而不備並

舉矣或虛文無實均所弗貴臣因藉舜典舊文列徵

累朝掌故衷之以

今日之事爲天下萬世告曰此

聖人之孝也

詩豐鎬說

臣讀晉史有云封畿之制王者常經土苞上壤地跨
勝形故古王者創天室觀阬圖險使福祐盤結堅固
不剝遂備禮樂庸制作以可大可以然而連轢諸夏

必隆舊邦非私粉榆用護山園所以強幹乃漢之豐
沛南頓僅稱帝鄉唐之晉陽制作疎畧罕足以配天
府宋迫於敵故京黍禾明近不能崇衛昌平南都中
都若四極遙陋矣其在上古誕庖犧於成紀產炎帝
於姜水生放勳於三河之南民安巢窟君悅茅茨旣
貴宮室不營邊論桑梓迹近謀遠克光祖武其惟豐
鎬之相望乎史記僅識作豐畧於鎬大雅文王有聲
篇盛陳作室之勤唐孔穎達正義謂天命爲天子者

當立天子之居故文王徙都於豐以應天漢鄭元箋
云武王卜居鎬京而得吉兆遂居之以定天下宋裴
駟史記集解引徐廣云豐鎬皆在長安南數十里則
武王成新邑較易爲力非如我

大清燕京去

盛京遼遠匪聲赫靈濯不足以擴前基而宅中夏也
宋張子謂武王時歸者日衆不得不遷豐京逼隘可
知視我

盛京走大野控太室萬有餘里者相去遠甚管子曰
立國都必於廣川上毋近水而溝防省朱子曰鎬在
豐水下流則地利未據故武王克商夜不寐思營洛
也周公奉成之以爲京邑輔我

國家都燕北倚山險南壓區夏若坐堂皇俯視庭宇
如金史所言古今京都之選首神鄉貽穀惟曰欲至
於萬年繫周本殷諸侯自幽岐屢遷皆世有之地我
朝得天下視周爲正

太祖初有葉赫輝發烏喇寧古塔諸地

太宗取廣寧拔撫順皆以德馨受地於

天

聖祖

神孫創守同德艮位舊邦經營詳盡夫伐崇作邑孰
與大破四路據鐵嶺之險取亂侮亡因衛爲城拓基
式廓按減立限曷若八門詖蕩周圍九里正殿八隅
十亭雁行濯垣維翰孰與雙闕表崇鳳樓望氛兩翼

八旗有正有鑲握奇九宮攻守均利注渭入河曷若
滄海朝宗混同襟帶挾朝鮮於波外辟雍鐘鼓孰如
圜丘九成

太廟並禋鼓雲和以樂

神施於乾隆文治大昌熱河立學秘閣皮書四庫美
富四方悅思孰如首征棟鄂所向稱臣漠北蒙古古
未賓服皆來綏幣察哈爾歸玉璽呈瑞外藩勸進孫
謀之貽拓地二萬卜宅叶吉曷若相時再遷拒衆獨

斷宅中允臧豐芑產腴曷若人獲東珠俊鷹鯁魚海
陸之產中國未有周雅所述但誇姬宗兩京之盛而
不知尚不足擬於

大清陪京之美備也又況入關以來

太平百六十一年

四聖創制以迄我

皇典章明備咸五登三功巍文煥襲六爲七周官禮

所不能具其萬一者

小臣

幸得與修

國史望洋測日累牘不能書也且周自宅鎬後成王
以成洛一詣豐謁告文王廟見於書康王一朝酆宮
見於傳他無聞焉我
皇上於乾隆癸卯從

高宗謁

陵陟嶽降原

前武具邇茲者

玉輅循

軌念

恩聽

訓見於咏吟

聖懷與修途俱永自此鉅典數舉歆格無疆繼

聖祖

高宗而屢駕

三陵佳氣萬葉瞻跂又豈周家卜年卜世所可同測

哉

春秋左氏傳親九族以致禋祀說

臣讀春秋左氏傳至季梁對隨侯語所謂親其九族以致其禋祀者深歎爲敦本探源之論蓋三時不害五品既修富且教矣而爲之上者躬篤敦睦之誼以爲化始則由近祖以追遠祖如此形分體合者皆一氣之貫而能愛其所親矣且體祖宗之心以答天心如此禮舉樂薦者皆一誠之通而能敬其所尊矣中庸所謂孝之至也孝經所謂至德要道也謹按杜預

註九族指外親孔安國馬融鄭元均指自高祖以下
至元孫孔穎達正義所引夏侯歐陽三黨之說於禮
記不合早爲鄭所駁且承上五教言其爲本支確然
無疑周重懿親季梁亦據本朝家法言之也我

朝開國之初

家法淳厚臯夔伊呂生於一家出征敵愾從

太祖

太宗定天下者皆親屬乾隆丙寅年

高宗純皇帝駕幸瀛臺晉宴宗室改崇雅殿爲惇敘殿壬寅年奉

特旨王貝勒貝子公之子俱照蒙古王公例分別給頂戴其餘宗室五品以下及閒散宗室一體均給四品頂戴以昭國家教育成全展親睦族至意癸卯年謁

陵賜

盛京奉

祀宗室詩云奉

祀居京藩當思水木源益合欽幽館無須念薊門蓋
導之以

家法引之以孝思誼隆法美告於

祖而

祖享告於

天而

天享矣我

皇上率循不忘寵賁有加

特命宗室與鄉會試俾得盡其有用之才從於官禮
分職以衍睢麟仁愛甲子年遵

舊典於惇敘殿大宴宗室錫賚優渥聯句

御製詩冠首同氣賡颺極

天潢之盛古所未有茲者

丹陵大禮推恩錫宴振振麟族湛湛

龍光並預

詔明年

高宗實錄成恭送

盛京尊藏

特簡親王護送所以廣一本之愛慰

在天之靈也杜註云禋潔也潔其意則潔其物與其
器皆後也吾

皇精意以享

天

祖在篤於親敦於仁而推之天下四海藹然肫然各敦五品以相勗勵所謂經正則庶民興也孝之至也化之成也

禮郊祀說

臣考郊祀之文禮家聚訟折衷至當

聖言爲歸恭讀

御製

南

北郊記發揮事

天精義闡明事

地鉅典歸本精誠之感召推原

考訓之稟承而知

世德作求

昊絳歆格

大清享國所以悠遠也

高宗御製盛京賦曰起

園丘於郊南單墼垣之潔秘

臣

謹稽天聰十年

太宗始建國號曰大清夏四月告祭

郊

廟以是年爲崇德元年冬至祀

天於

園丘告興師討朝鮮

高宗御製備識之明受

命報本之始迄乎撫有中夏上辛

皇清三才集
卷二
祈穀孟夏

常雩冬至

南郊斯事

天三大禮世守

躬親者也溯惟

列聖相承至於我

皇上宏達孝率舊章

三祖

三宗並配

三郊功德大而食報隆也

國家典禮最重

堂子蓋仿明堂古制特致尊嚴也初

太祖以葉赫無覺搆兵詣

堂子告於

天而伐之以少勝衆實惟

至仁上際蘿圖將錫

穹聽允孚自

世祖定制以元旦率王公大臣先詣行禮以迓新韶
屢來福焉然

郊壇大典自順治元年後皆行於

京師我

高宗篤念維新受

命之符善繼

太宗昭事小心之敬呼吸

清寧綢繆丹獲

兩京一體於乾隆四十三年

特命司空鳩工修葺

盛京

壇

廟

堂子元氣綢繆百祇扶宇我

皇上循

四巡盛軌

穀林禮成錫類布誠百神以徧嶽鎮懷柔勲親寵賁
祠官奔走罔不克恭大矣備矣夫體孚乾行至健也
意饗元宰至誠也報追初生至孝也儀全上都大備
也恩推羣祀至厚也全乎是可以郊矣茲事體大非

配

天

祖而首出合神人而交治其孰能與乎斯非以

聖繼

聖承

列祖之積功履萬禩之泰運曷克震動恪恭優游件
與成禮而受福乎臣更考小戴禮曰郊社之禮所以
祀上帝也夫不言后土天貶地也此可以證

皇上北郊說所謂天爲用而地爲體感召之禮豈有
歧異者

聖之心也經之精也一也漢儒謂中庸以社爲祭地

皇上親政升

社

稷爲大祀本經以定制萬世法也經又曰宗廟之禮所以祀乎其先也宋儒曰不言祖言其先者兼遠祖言之也我

皇上通追來孝法

孝循則享於

穀林典文賅洽得經意爲政本追遠以厚民德

臣益

小

大清享國悠遠也豈不盛哉

觀民敷績說

陳壽祺

皇帝御極之十有三年日宣重光

峻德橫被塞晏之治臻醲懿之化暨爰始稽

時巡之上儀

周覽近輔轅乎天津以

績述

舊緒奠川敷績省風觀民於是有順則之氓瞢瞢踴
踴游乎康衢擊壤扣轅煜然晞日月披星雲阡遵塗

之興徯瞻行桂與鈞陳弁協氣之布濩不自知其交
曾而歡欣也乃攜儔挈侶儼然造衢室大夫而詢焉
曰蓋聞天子穆穆在宮離離深禁嚴鑰高乎九重攝
官者或不得通燕語備直者或不得閱餼容有息晏
於司契寧風示於匪躬今自我
聖主之撫方夏也

法

天行健視民如夷祈年報社則

南郊必

躬薦其齋

重農勸功則東精必

親舉其犁耨蠲濩之中孰靡

勅乎時幾

綸言渙汗之出惟永念乎民依下無不達之隱

上無不酌之施吾儕小人田疇廬井之細飲食作息

之微所以關

宵旰之厘顧煩經畫於有司者蔑不詳矣備矣乃又
寅奉

先型

審聽輿語遵般頌之規順陽和之序卽

次舍之勤勞忘

宮掖之安念雖曰一游一豫爲休爲助顧

萬乘之勤不綦鉅乎鄙人固陋蒙不知述仰鏡

高深願聞其說衢室大夫曰夫徂維求正者盛君之

所以示惠而徧德也。豫順以動者，熙世之所以政清而肅服也。佛肩時亮之臣，有能鞠謀保居者，則人主敘而欽之。況帝王亭育九有，統緝萬品，方將周垓極之量，襲熬窾之心者哉？故黃帝著跡於空桐，顓頊列會於蟠木，唐虞法再閏而肆覲，周家度星終而循牧。莫不觀納風謠，廣求民瘼，旁羅乎土波水石，勤勞乎心力耳目。雖道德太平，恐遠近不同，化幽隱有不得所，必躬巡行之。以叶時同律，考禮正度，厯世修舉，未

之有改也洪惟我

聖祖仁皇帝神契泰元動侔造化思艱圖寧罔敢豫
暇嘗南涉江淮合符會稽東封乎岱宗西登乎五臺
時邁之轍發軔畿南

德車屢駐醇化敷覃爰暨我

高宗純皇帝率時

舊章勞謙敬止

聖迹旁流江海如砥恢益地之圖陳握河之記循

翠輦所經行及

前皇之踵武後先一揆誕畧可覩已

皇上紹

庭繼

序單心宥密軫猷裕於羣生謀胥匡以勅茲追維

列聖勤人之

烈允

膳思於攸受休畢旣下

明詔咨禮官發帑藏飭繕完又復

念疲曠之不足惕浮戶之未安題期需象始

勤和鑾所謂爲人而行非勞人以游觀

懋修隆禮丕天大律非夫譽臺之迹縣圃之刻所得
而同日也寧必忝穆於璇題淵惕於玉英始克以延
恩儲祉垂拱慶成哉順則之氓曰懿哉

帝者尊

天重民動不爲身惟

夙興以思潛隱故

循行以牧人

孜孜懃懃之意既得而聞命矣昔者虞夏之世鴻陁澤陂是以九功敘而九敘歌敢問功之可敘而歌者何若也大夫曰嘗聞之水火金木土穀謂之六府正德利用厚生謂之三事六府三事謂之九功上有舜禹之君下有益稷之佐灑沈澹菑鮮奏艱播地平天成府修事和故九功之德皆可歌也夫水土演而民

用北方水一土五惟遂均溝蕩防止濬畜列舍而澮
寫以涉揚其芟則水歸其壑土返其宅乃以粒我烝
民而頌聲斯作然則功有九而水土居其大端矣故
禹貢釐土績底於緒陂從道而三壤咸作乂也周官
職方名辨於川浸澤藪而九州同貫利也史起決濁
漳斥鹵是生稻梁白公穿谷口沮澤乃滿車篝兒寬
之鑿輔渠高卬賴其浸灌信臣之立均水隄闕明於
隰畔何者水者地之血氣如筋脈之通流宜導鬱而

散滯或逆防而爲患或順軌而爲利如使填闕有法
塢亭有術落渠因勢而寫潘渚因時而決則原隰之
地皆爲上腴召伯之埭鄭國之渠是也如使疏濬無
方茨防無備延道弛而不修鴻隙壞而不治則湔湔
漲決沈田敗禾桑浮之齧黃鵠之歌是也蓋鍾水所
以豐物導滯所以疏川民命所祖國以爲天誠經野
之要務理道之大原也昔稱水爲準平王道公正修
明則百川理而落脈通伊古以來書冊所紀懿惟

本朝實臻斯理且子亦知夫

帝畿之爲置圉乎位應壬癸躔列箕尾當析木與漢
津乃山河之極委南道淇衛北受沽洵漳滏潰澗於
大陸滹沱散溢於陽武唐潏沙滋潏帶於豬龍涑易
濡聖注射於巨馬莫不洸潰於南北二泊渟滙於東
西二澁扼四爻而脈分導三角而股引桑乾之流濫
觴壘頭通會於洪源漸厲乎于延鼓怒於麻峪之野
奔騰於落馬之川駛如竹箭淖潏善徙是名渾河古

號難理亦且歸墟於七十二沽而天津爲之尾閭至
於千里一隄分崖擴壩偃亘於清淀濁河之間起良
鄉下固安包霸州而達永清以禦桑乾之漫由東安
徑大城迤文安而迄獻縣以格滹沱之湍起清苑踰
新安絡雄縣而薄保定以束涑易之潘架梁樹坂屹
馬翼焉蓋神京西北諸川所以隄宅源滌遜理東匯
渤海水而朝宗者繫斯隄是賴我

大清之肇造丕基也稽覽坤靈考卜類謀規方太紫

爰宅於茲百六十年之中

神功亮績不可殫稱本衍末度彌綸昭登

聖祖睿謨默運河伯輸靈子牙

親視永定

錫名

世宗宸居端拱

簡任親賢別中亭改長洵開焦岡析勝勞

高宗時勤乘載屢動玉璫移越埕於條河聯格淀於

臺頭夷鹿瞳之險灘籌鷹嘴以安流

裁成變通因心作矩工無隙而不用事有偏而必舉
皇上綏宇繩

武紹衣受

廟算秉

成規安瀾屢告不忘其咨斥大農之金錢披司空之
版籍侍亭水之薪茭儲緣隄之竹石立表程度

撫畫形勢

審防察理平繇量事役不稽時而功用成費不外徵
而民用寧行旅懽於周塗農甿忭於新畝蹈德詠仁
徐徐于于延頸企踵以望

乘輿於是

聖主乃動

大路遵

皇衢考政教之劇易覽川原之有無既有以慰兆庶
之懇誠恤羣工之勤劬猶慮方春農時經臨縣郭有

司或有所徵發以妨東作

嚴飭扈從禁苞苴絕竿牘減艤櫓之數申稍餼之約
誠置吏毋得絡繹探伺動煩供億其治道儻役官支
水衡償其直所隸

帷宮

行殿久弊者黜堊補葺勿庸有所更建方

達聰博觀熙然與百姓相見雖下里顓蒙僻壤侗穉
亦各晏然粲然喻曉

意旨夫卑宮菲食而溝洫是力夏后氏之所以出律
度昭彛穆也日昃不遑暇食而康田是卽周先王之
所以迪懿恭安卑服也綜六藝而考

德則史官所紀不足議其履憲

法八世而

愼微則三五以降不足式其儀典惟是

列聖之所經營譬畫吾

皇靡不揆而修之故隄防

升踐有必周也

列聖之所繹思勤恤吾

皇罔不翼而成之故

慶惠宥眚有必行也

秩羣神而懷柔之禮備

旌廉能而審官之制得問高年則粟帛之

頒逮簡戎伍則糒食之

詔沛租復

蠲予以嘉力田

給札試言以徠俊民稽工賈以責事實而節度乃克
用謹省方土以去奢泰而風俗乃盡返淳區宇之內
懷生之類莫不煦嫗乎

至仁蒸濡乎和會詩不云乎適求厥寧適觀厥成言
能恭祖舊之法以降德於億兆民也又曰匪棘其欲
適追來孝言能合庶彙之心以仰答乎前寧人也
聖天子求寧觀成無逸作所斯以

從欲追孝允答

昊天之祐其

詒謀也不已燕乎其

錫類也不已徧乎若夫

聖德淵懿繼

天運衡以襲烝昭貺

升中告成者弁識罔究茂得而名焉於是順則之氓
飲淳舍和飫義飽德相與蹈詠休風樂世世而無極

登咸揆聖說

徐 松

維我

皇上御極十有四年恭慶

五旬萬壽普天之下踐土之倫歌頌

功德稱述

至治鉛槧莫能畢書竹帛莫由殫紀然臣以爲執候

管者不可以測天之高操蠡勺者不可以量海之深

誠以我

聖天子紀綱八極經緯六合固非三代以來之君所能彷彿萬一也

臣伏讀

御製讀史記三皇五帝本紀詩

奎文炳煥照灼乾坤而猶

執兢業之懷

申景仰之意近復

御製尚書詩闡帝王之訓又以

慶典

躬詣

帝王廟吉蠲致敬

臣

以爲欲驗今者必徵於古雖以

聖德謙沖若未卽比隆三五

臣

竊綜述往古考證當

今直以爲三皇五帝先聖後

聖其揆一也

臣維

皇上之德首於敬

天每歲

南郊

祈穀

常雩三大祀先期

闕視祝版甲丙戊庚壬之歲則

親朝

日丑辰未戌之歲則

親夕

月尙書帝命驗曰帝者承天立五府以尊天象呂氏
春秋曰顓頊命飛龍氏作樂以祀上帝路史曰神農

立園丘以祀朝日飾瑤階以揖夜光是也古今樂錄
曰堯郊天作神人暢之歌

皇上詣

齋宮及

南郊禮成每有

御製詩又製

南郊記皆敬

天也中祀羣祀五岳四瀆四鎮四海各遣官致祭伏

羲使鬼神以致羣祀女媧設雲幄而致神明黃帝使
九行之士觀天地祠萬靈帝舜類于上帝禋於六宗
望於山川徧於羣神是其禮也敬

天故重時

御製迎長至論幽風時序歌二十四氣詩雪則祈尺
雨則報寸琉球列時憲之書

國史進天文之志春秋內事曰伏羲推列三光建分
入節以應爻氣史記曰黃帝建立五行起消息正閏

餘論衡曰堯候四時之中命羲和察四星以占時氣
路史曰舜寅畏天命而尤長於天文是之謂矣

皇上每晨恭誦

實錄用人行政無不效法

祖

宗四時時饗

太廟歲暮祫祭

十室東巡

盛京追念

先業

御製松山之戰書事一篇

蹕路往來得詩一百五首

臣

恭讀宮史續編載甲子

御製孟秋時享

大廟詩註云大業親承艱哉爲后是卽以

繼序之篤爲

昭事之誠堯之有天下也作七廟以享先祖舜之有

天下也禘黃帝而郊嚳祖顓頊而宗堯舜典曰受終於文祖言堯祖廟也益稷謨曰祖考來格言舜祖廟也若

東陵

西陵之展敬則軒帝橋山之慕也朝祀夕祀之迎神則神農明堂之祀也

皇上每日常朝闕本闕摺名對引對以至

傳膳亦飭奏事

御門毋許推班

諄諄於民生在勤旣播之

宸章復彰於

御論

勤政之箴

勤政殿之記黃帝之誨曰大圖在上大矩在下堯戒

曰戰戰慄慄日愼一日

御製崇儉詩愼乃儉德論節儉論

親政之始下却貢之

詔有奏請開礦嚴私玉之禁者斥之葉爾羌和闐采
玉亦罷之降

諭伯德格爾免貢金錢

臣

伏讀

諭旨素喜儉樸出於天性起居服御不肯稍事紛靡

臣

又恭繹

御製詩注云我

朝風尚儉樸凡時巡臨幸之所皆崇茅茨之規所謂

瑤臺九纍而堯白屋黻衣九種而堯大布宮中三市而堯鵠居糲飯菜粥以言儉也

皇上惇睦天親令宗室應鄉會試其年及歲者部臣帶領引

見每歲曲宴宗藩九年宴親王以下於瀛臺

御製惇敘殿聯句詩是卽堯之親九族也

皇上於大小臣工明示賞罰內而軍機大學士六部尚書侍郎外而各督撫皆頒

宸諭杜門戶之見絕畛域之意無存調停之心無耽
安逸之樂易坤靈圖曰伏羲立九部而民易理論語
摘輔象曰伏羲六佐黃帝七輔尚書刑德放曰堯之
時益爲司馬尚爲司徒禹爲司空所謂釐工也

廣開言路

申諭言官不得以空言而得虛譽又有導言納諫之
諭是則堯建進善之旌置敢諫之鼓舜立誹謗之木
矣伏羲作駕辨之曲網咎之歌黃帝作柷鼓之曲袞

龍之頌堯有大唐之歌舜有南風之操

皇上則經帷宣講

御春筵者十有一秋筵者一

味餘書室集詩文三千三百餘篇

初集詩文三千四百四十五篇左傳則詩叅於史隨
筆則旨輿於經伏羲作龍書神農作穗書黃帝置四
史以主圖籍

皇上則續編天祿琳琅藏書至萬有二千二百五十

八冊文頴重編史志再輯修詞林典故之書哀

熙朝雅頌之集又若神農有補遂之伐黃帝有阪泉
之師堯有丹水之戰舜有三苗之征

皇上則七年告功三省底定閩浙粵洋以次廓清茲

者福建撫臣復奏報虔劉渠魁海氛永靖臣恭讀

御製新兵詩平定三省紀畧及

勅編勦湖南貴州苗匪功臣傳續集勦貴州興義狝
苗雲南威遠猺匪功臣傳續集仰見我

皇上智則如神仁則如天用武卽所以愛民也重修
會典及事例風神之號加以二字龍神之禮肅以九
叩報祀著

步禱之令陪官定肩輿之儀

祈穀酌於次辛

社稷享以上戊斯則伏羲因尊以爲禮儀有虞封土
爲社置木爲閭而民知禮也

皇上釐定祈晴樂章重修

壇

廟樂器斯則伏羲作立基女媧作充樂神農作下謀
黃帝作五莖帝嚳作九招六列六英堯作大章舜作
大磬也管子曰嚳堯之時其獄一跽腓一跽履尚書
大傳曰唐虞象刑我

皇上飭都察院步軍統領衙門於各省控案其較重
者卽以奏

聞其應咨者則一月或兩月彙奏

御製慎刑論明慎用刑說

嚴禁外省無制非刑

臣

恭繹

御製得雨敬述詩注闡赦過宥罪雷雨作解之義並
釋安南羈臣黎值鄭憲等四人給以屋宇茲又奉

恩綸分別減等是以民俗敦龐往歲有獲遺金不昧
者淮南子曰黃帝治天下道不拾遺庶幾近之路史
曰伏羲化蠶桑以爲繅帛因罔罟以制都布孝經援
神契曰神農耕桑得利究年受福黃帝內傳曰蠶神

獻絲乃稱織維之功地獻草木乃廣耕種之利新語
曰后稷闢土殖穀以用養民種桑麻絲枲以蔽形體
我

皇上題耕織之詩

頒授衣廣訓

御製擊壤歌田家樂

臣

恭繹丙辰

御製微雨詩初雪詩注雨雪應期隨

禱輒驗神農求雨書曰神農之理天下欲雨則雨舜

之祠田曰荷此耒耜耕彼南畝四海俱有義視諸此
皇上時下蠲貸之詔

龍飛首祚普示優仁每歲春祺又

沛渥澤以及都城粥厥寒月棉衣

恩詔慶典直省塌沒田地虛糧各省借給貧民糧種
牛具全予豁免或無告窮民

特加養贍臣考神農之教曰一穀不登減一穀穀之

法什倍二穀不登減二穀穀之法再什倍無食者予

之陳無種者貸之新又考路史曰堯視四星以知民
之緩急爲之儲侍以備其歉故沉菑雨雹而民無菜
色臣以爲不過此矣臣又按春秋緯曰神農始立地
形甄度四海遠近山川林藪所至東西九十萬里南
北八十二萬里文獻通考曰堯舜之時定墾之田九
百一十萬八千二十頃符瑞志曰黃帝時南夷乘白
鹿來獻鬯金樓子曰舜時援耳貫胸之民獻珠蝦惟
我

國家版章式廓

兩京之外建省十有七州縣府廳千六百有奇外藩
屬國哈薩克左右部布魯特東西部安集延那木干
霍罕四城分班朝貢重瀛之外暹羅蘇祿荷蘭暎咭
喇博爾都嘉利亞意達里亞博爾博噶爾咸奉正朔
回部緬子琉球俄羅斯皆列學官其廣輪之數固又
隸首所不能算章亥所不能步近者朝鮮越南皆奉
表祝

遐多爾濟扎薩盟長及蒙古王公進無量壽佛爲

天子壽惟我

皇上不貴異物不言嘉瑞聯珠之祥時風之應屏而
不書蒼牙之貢白雉之翔斥而不錄是以莫得而備
紀也況乎

皇上以癸巳之年默膺

昊貺丙辰踐祚

授璽禮成則又隻千古而無偶以堯之禪舜已不可

執而擬議又何論平河圖之言伏羲禪伯牛耶

臣

又

考之風昊降於華胥雲螭出於承筐石年生於列山
龍顏則大電繞樞戴午則瑤光貫月荷勝誕於斗野
參牟兆於姚墟惟

大聖人鍾祥毓祉於

御園天地一家春春之德爲仁仁之徵爲壽夏小正
曰十月初昏南門正南門者亢星爾雅曰壽星角亢
也太一之謂神農曰天有九門中道最良日月行之

名曰國皇字曰老人出見南方長生不老衆耀同光
方今四海雍熙人躋上壽每歲壽民得邀

恩錫者不可悉數而自元年特科以來凡壽榜貢士
千五百餘人舉人千五百七十五人副榜千八十三
人所謂三皇之民多壽堯舜之民比屋可封而躋仁
壽也且伏羲在位百六十四年女媧百三十年神農
百四十五年顓頊七十八年帝嚳七十年堯九十八
年舜五十年壽皆百有餘歲我

皇上合三皇五帝之德爲

德卽合三皇五帝之壽爲

壽又將進而合天皇氏萬八千歲地皇氏萬八千歲
人皇氏四萬五千六百歲以祝我

皇上億兆無疆之

壽也猗歟盛哉

建五備五說

劉嗣綰

臣謹案河圖之數天五地五五位各得生生不已積而爲萬有一千五百二十衍太極之數也洛書數備乎九疇疇以皇極爲統自三至五五居中自九至五五居中環以七八九六參五成十而河圖之位亦至十而合以疇之五推圖之十河洛精義於是備也宋蔡沈洪範皇極內外篇衍九數爲八十一章胡瑗洪範口義始以皇極爲九疇之本顧疇陳皇極獨不著

其數何也趙善湘洪範統一云九疇之數以五爲極
九疇之敘以極爲五疇爲用極爲體不言數無數可
紀也皇極經世書其數皆四以皇極足之而成五虞
翻謂大衍之用四十有九虛其一以象乾元也乾元
一皇極也河圖之數生於五成於五洛書之數中立
於五以五乘十而應五十之期斯元會運世之極也
臣按泰古攝提合雒諸紀天皇地皇合萬八千年人
皇合四萬五千六百年然荒遠不可考其可考者則

自黃帝甲子至今已巳四千五百六年而恭遇我

皇上五十萬壽也

皇上履九五之尊登三五之治參

天兩

地以運乎中臻釐翼祺延洪曼衍

上儀炳燦超軼隆古世所聞覩悉協于極古人臣之
頌君者曰天子萬年曰天子萬壽曰萬有千歲而不
詳壽之年月日漢時上壽在元日亦不詳壽之月日

臣惟邃古神聖誕降上瑞景合虹之流電之繞也瑤光金精之應也皆筆之書也我

皇上之受

命而篤生也在上章執徐之歲於歲紀爲庚辰司馬遷律書庚陰更萬物也高誘淮南註辰震也班固志斂更於庚振美於辰也則誕

聖之期固

聖德所由基

聖化所從出也臣按十二支干之次庚次巳巳次辰
巳之於庚巳之於辰相推也相輔也河圖五位說者
謂五行之位夫巳巳於五行火也土也九功之敘以
相克言火與土居二五九疇以相生言火與土亦居
二五二五者乾坤變化之數而

皇上化理之所由盛也此理紀於巳巳盛於巳之徵
也臣又按坤爲十月之卦而乾鑿度云乾制物於西
北方位在十月是十月乃乾坤交會之月也乾坤以

五爲中氣五與五合而成十十卽五也其建在亥其律中應鐘應鐘者陽氣之應班固釋爲該藏萬物而雜陽閔種故宜亥也夫亥以起子者也應鐘以起黃鐘者也

臣敬讀

咏餘書室隨筆云制事立法順天地本陰陽莫不協于克一其要蓋本於黃鐘黃鐘於時子也於卦復也其數起于一備於五五旣備而一起也此又

皇上貞下起元之治與氣化相循環者也

臣

又按易

卦消息每卦主六日七分六之爲數於卦氣爲備今
爲建亥月朔六日其日則癸巳也易稽覽圖置天元
甲子太初癸巳元年一百九十萬八千八百五十三
歲是爲初元我

皇上自癸巳

告

天肇基

天命胥在是也

聖壽之日適與交會訢鬯作成天清地寧榮鏡六合
極建於天下

福備於

一人也

臣

聞蘇軾之言曰至極者謂之極朱子言極

有湊合之象故太極為萬物本根皇極為兆人標準
聖人者無所不用其極者也

皇上丙辰

嗣

統

授

受傳心

堯曰執中

舜曰用中也中卽極也藏

實錄宣

廣訓

頌

盛京以景揚萬燈土壁之遺風也

法

祖之誠以保極也

南郊

北郊之著

論也貴誠也貴氣也饒九獻而舞八佾也

雩壇之設爲水旱也辛之

祈亥之

精必

躬必

親必

敬也詩曰粒我烝民莫匪爾極

聖人之敬

天

聖人之

勤民也

谷河隄以底績

閱海塘以度工書曰地平天成稱也地之極無不周
斯天之極無不拱會極歸極

聖人之位

天

地也

勤政殿記之

頌天下也

御門以

聽政

御經筵以

論政也尚廉崇儉樹德慎刑辨義利圖耕織厚惇睦
撫屏藩政之大者也以正百官以臨萬民之極則也

元年

幸太學九年

幸翰林院石經設

珠榜懸也史館開而典軼唐志仿漢不獨詞林之增
典故文穎之登雅頌也

特科之典自丙辰辛酉迄茲而三褐而釋弁而俄圭
組黼黻而拜舞也

文治之極也四年平苗紀畧成七年而三省之教匪
平又七年而洋匪悉除海宇胥慶善人教民之化也
獮狩之典弗曠營伍之

訓弗懈舉太公六韜軒轅氏握奇之經而

授之方畧也

聖武之極也若此者

立天之極五緯昭也

立地之極五方奠也

立人之極五德宣五典秩也以言

文則五教敷也言

武則五兵戢也以言

賞罰則五服五章五刑五用之悉當也無建非五無

備非五也履端月吉頒

恩詔十六條上自

祭告下逮蠲賦肆赦諸大政薄海內外喁喁然喁喁
然植髮頤鼻之長麗眉兒齒黃衣冠之叟遠而貫胷
交趾深目重舌之民兇則稱鳩則祝也梯山航海而
來者象且以緬服馴雉且以越裳獻無不式歌且舞
於

仁壽之宇也夫立

一人之極爲天下萬世之極斯能以

一人之福爲天下萬世福且欲以天下萬世之人之
壽爲

一人壽也然而

皇上抑抑然未嘗自以爲

福自以爲

壽也於符瑞則

誠勿陳也於貢獻則

飭勿進也於遊觀供帳之費則

詔勿事也

臣敬釋

御製詩文集其於

堂也曰繼德曰學古也其於

齋也曰思永曰食德曰知不足也悉數之不能終也

見之

文曰爲君難則無極之而建也見之

詩曰惠迪吉則無福之不備也且

聖治莫要於恒

聖學莫精於復

論恒以一德而曰最久莫如地而恒象之

法

地以

法

天也

論復其見天地之心而曰順其太極之理太極者皇

極之所從出也

法

天

地以立極也

臣伏讀

御製敬用五事論有曰體備於一身而妙應於萬事
言

主敬之極也

皇用敬

皇用建也

臣

又伏讀

御製既醉備五福論有曰十倫之用彰而五福自備

皇一人備其福

皇一人建其極也

臣

攷古文壽字通作疇書九疇則

田疇之義象洛書也或者曰壽籌也亦言乎疇也

昊天

天子

天子子天下

皇極經世一
卷二
皇上之籌度天下者有以上應乎

天心而

天醺之也醺之以疇之五圖之十極之萬有一千五

百二十之數而未有艾也臣忝職詞館不足以頌揚

聖德於萬一敬推

皇上所以

致福之本爲天下萬世立極者成建五備五說一篇

謹拜手稽首獻焉